



Шогуно эл, порылык да гим берг!

Будь готов/

ЯМДЕ ЛИЙ

1933 ий 1 февраль годсек лектеш.

0+

Түрлө сынан пагыт

Йоча-влак, кенезын түсшө могай? Чынак, ик вашмут гына: тудо түрлө лиеш. Сандене теат «Кенезын чияже» конкурсышко түрлө сынан фото-влакым колтеда.

Идалыкын ик эн мотор пагытше пеледышлан поян. Нунын тутло пушыштым да сӱраллыкыштым лач кызит шижын шуктыман. Мария Гречкосеева (Шернур, Оскан) висвисым ончен куана. Кенез – емыж-саскам погым жап. Ида ӱркане гына! Кажне саскаште шуко витамин уло. Сандене свежа емыжым тамленак ончыман. Теве Анастасия Соловьёва (У Торъял, Токтарсола) снегым поген. Кызит йоча-влакын яра жагышт лын: шер теммешке футболла модаш, велосипед дене кудалышташ, вӱд воктене капкылым шуараш лиеш. Василий Пажбеков (Татарстан, Агрыз, Буймо) кажне кечын мечым чумаш жапым ойыра.

Йоча-влак, эн тӱнжӱ: ача-авалан, коча-ковалан сурт сомылкам ышташ полшыман. «Кенез телым пукша», – маныт калыкыште. Тыгодым ялыште паша моткоч шуко.

Л.ГРИГОРЬЕВА.



Кенезын чияже

Яра жапдам пайдалын кучылтын, кенезын түрлө чиян улмыжым шекланаш вашкыза! Мотор фотом войзен, пашада-влакым конкурсышко 22 август марте колтыза. Сеұышым чапле ПӱЛЕК вуча!


ПОДПИСКЕ

«Ямде лий» газетлан кажне тылзын 15 числа марте возалташ лиеш:

- ✓ верласе связь отделенийыште (почто);
- ✓ podpiska.pochta.ru сайтыш нурыза але «Почта России» мобильный приложением телефонышкыда шындыза.

Рекламе.

Фото-влакым еш архивла гыч налме.





Сандалык нерген йомак

насымаш Науко да технологий идалыкклан пөлеклалтын. Сандене 13 ияш марте ўдыр-рвезе-влакклан «Сказка о космосе» посна тагасым темленит. Дима «Межгалактическая экспедиция» фантастике сынан йомакше дене иктанашыже-влак коклаште сенгышыш лектын.

Конкурсш

Российын 78 регионжо, Исландий, Великобританий, Польша да Киргизий гыч 10 тўжем наре паша пурен. Эн сай йомак ден сўрет-влакым «100 сказок о космосе» тўшка сборникеш савык-тат. 13 ияш марте сенгыше-влак «Артек» тўнямбал йоча рўдерыште эртаралтше Междисциплинарный проект школын участникше лийыт.



Е.ИВАНОВА ямдылен.

Историйым шергалына

Петр I вуйлатыме руш армий 1709 ий 10 июльышто Полтава кредалмаште швед войскам сенен.

Тлидын лўмеш Российыште 10 июль Воинский чап кече семын палемдалтеш.

Кугу Ачамланде сар годым 1943 ий 12 июльышто Прохоровка посёлко воктене танк дене кугу кредалмаш лийын.

1410 ий 15 июльышто руш войска да тудын союзникше-влак Трюнвальдский кредалмаште немчы рыцарь-влакым сененыт.



Тутло сий

Шочмо кундемем мотор пўртўсшō дене веле огыл ойыртемалтеш, тыгак емыж-саскалан поян. Кенж каныш дене пайдаланен, авам дене снеге погаш коштына. Ме торащак огына ошкыл. Ял воктенысе пасушто погена. Тутло саска дене вареным, компотым шолтена, кылмыкташ пыштена. Телылан пайдале да тамле сий.

Яна ДМИТРИЕВА.

Сылнын олык коеш. Кайык йўк шергылтеш. Чодыраште – кенез, Мыйын темын ленеж.

Никита ВАСИЛЬЕВ.
Морко, Коркатово.

Польшкалыше

Мыйын лўмем – Марина. Икымше классым тунем пытаренам. Ме ялыште илена. Тушто паша эре шуко. Поснак пакчаште: шудым солена, шўкшудым сомылена, паренгым урена. Мый ачам ден авамын польшкалышышт улам.

Марина СТЕПАНОВА.
Волжский, Упшер.

Увер

17 июльышто Э.Сапаев лўмеш Марий кугыжаныш опер да балет академический театр Шереметев залокышто «Лебединое озеро» балетым кава йымалне ончыкта. 15.00 шагатлан тўналеш.

Рекламе.



Российысе увер

7-17 ияш ўдыр-рвезе-влак, «Дружба российского и греческого народа» всероссийский усталык конкурсыш ушныза. Живопись але графике йон дене сўретым сўретлен, elenavelena.ru адрес дене 21 июль марте колтыза.

«Йоча пагытем – сар» тўнямбал акций эртаралтеш. Кажне ег усталыкшым терген кертеш. Сар жагысе йоча-влак нерген творческий пашам 2021 ий 1 октябрь марте колтыман. Конкурс нерген уверым glory-gallery.ru/moyo-detstvo-vojna ссылке дене ончыман.

Россий просвещений министерствын увертарымыже почеш, класс вуйлатыше-влак, школышто воспитаний пашам эртарыме нерген методике пашам возен, II всероссийский конкурсыш ушнен кертят. Тўрыс уверым vkkp.apkpro.ru сайтыште ончыза.

Марий Элысе увер

Йошкар-Олам 437 ияш лўмгечыже дене саламлен, почеламутым возыза да конкурсыш ушныза. Паша-влакым okcentr2010@mail.ru адрес дене 5 август марте колтыза.

Марий Эл гыч кум тунемше: Ульяна Николаева, Варвара Веселова, Мария Лежнина – «Большая перемена» всероссийский конкурсын финалышкыже лектын. Нуно «Артек» тўнямбал йоча рўдерыште тагасаш тўналыт.

Республикыште тўрлō районысо школлаште «Точка роста» рўдерым почаш верым ямдылат. 1 сентябрьлан 21 рўдерым почаш палемдыме. Олмыктымо пашалан 6 миллион утла тентем ойырымо.



*Устан возышо
автор-влакын
сылнымутыштым
лудын, сайын
мутланаш
тунемат.*

Вольтер.

Волжский район Изи Корамас ялын шочшыжо Анжела Михайлован (снимкыште) лүмжө сылнымут аланыште пытаргыш жапыште чүчкыдын йонга. Ойлымашыже-влакым түрлө газет ден журналыште лудаш лиеш. Йоча-влаклан «Мўян чай» книгаг савыктен луктын. Умаште «Ший памаш» сылнымут фондын самырык автор-влаклан эртарыме В.Абукаев-Эмгак лүмеш конкурсышто «Ошкеча» премий дене палемдалтын. Тўвыра, сымыктыш, сылнымут аланыште тыршыше самырык ег-влаклан «ВийАр» тўвыра да келшымаш кыл мер ушем «Кенжеж сылнымутчо-2021» литератур семинарыште икымше гана премийым кучыктен. Нунын коклаште самырык прозаик А.Михайлова лийын.

– Ятыр серызе шко-
лышто тунеммыж годым возаш
тўналын. А тый, Анжела?

– Икымше почеламутем пырыс нерген лийын. Туныктышеммын мокталтен ойлымыжо чонешем ўйым шўралтымыла чучын, да умбакыже возаш кумылем лектын. Пырля тунемме йолташем дене ўчашен серена ыле. Эсогыл тетрадь лаштык-лам иктеш ушен, комжылан кўжгө картоным келыштарен, книгаг ыштенна. Тушко кажне кечын ик почеламут дене возенна. Вара ала-могай амаллан кўра ты сомыл деч корангынам. Волжский район Кугу Корамас ш к о л ы ш т о марий йылмым да литературым тунуктышо Галина Егоровна Ибраева сылнымут сескемым угыч ы л ы ж т е н . Шымше классыште «Юнкор» кружокыш кошташ тўналынам. Тачат ручка ден блокнот эре пеленем улыт.

– Тый йоча-влакланат ойлымашым возет. Сюжетым кушеч налат?

– Ньоган йылмыж дене возаш онай, куштылго. Южгунам шкемымат йочала шижам. Кажне ойлымашем чын лийше событий манын кертам. Коклан йоча пагытеммым

Сылнымут сескем ылыжын

шарнал-
тен возем,

южгунам икшывем-влакым эскерем.

– Тугеже эргыч-влак ойлымашетын геройжо улыт?

– Нунын койыш-шоктышышт, кутырымышт кагаз лаштыкыш возыт. Йоча дене тудын семын мутланен, тынар онайым пален налаш лиеш улмаш. Икшыве-влакын кажне ошкылыштым, шомакыштым, түрлө онай тат-влакым кўчык ойлымашыш савыраш лиеш. Шукерте огыл кугурак эргым книгагштем икмыняр ойлымашым лудын. «Чынак лийын мо?» – манын йодо.

– Анжела, йочат годым «Ямде лий» газетыш возкаленат. Юнкор-влаклан могай тыланымашет лиеш?

– Шуко книгаг лудса: рушла, марла да моло йылмыла дене. Книга уш-акылым пойдара. «Ямде лий» газет дене пентгыде кылым кучыза. Тек тудо тыланда ўстел газет семын лиеш. Шочмо йылмыдам ида мондо. Шочмо йылмым йўратыше, аклыше ег веле кугу кўкшытыш шуын кертеп.

Х.АЛЕКСАНДРОВА мутланен.
Фотом еш архив гыч налме.



Олыкыш волалын, пеледышым кўрлам.
Вуйшўдышым пуналын, вуешем упшалам.
Тутло снеге тамым он тичак шўлалтем,
А висвис аршашым авамлан пўлеклем.
Курык ўмбаг кўзем, ялемым ончалам.
Могай мотор кундем! Моктем мый чыпалам.

Буктрейлер – видеоролик полшымо дене книга дене палдарыме йон. Произведений гыч онай ужашым видео гоч ончыктат. Тўн шонымашыже – лудаш тараташ.

#У_мутым_тунемына

Буктьюб – YouTube видеохостингын ик ужашыже. Блогер-влак подписчыштым түрлө книга дене палдарат, конкурсым да марафоным эртарат.

Поэзий – кажнын чонышто

малтеш. Тудын усталыкшым аклыше, йоратыше ег-влак «Колумб лудмаш» пайремышке кажне ийын погынат. Регион-влак кокласе сылнымут конкурс-фестиваль тений онлайн эртаралтын. Тудо 37-ше гана лийын. Тагасымашке түрлө ийготан шүдө утла ег ушнен. Нуно Колумбын почеламутшым рушла да марла лудыныт. Почеламутым шке гыч возышо-влак коклаште тагасымаш лийын. Мурсемлан шүман-влакым посна акленит.

Почеламутым лудмо дене 7 ияш марте сеньше-влак:

Элави Аппакова ден Татьяна Табуева (21-ше номеран Семёновка йочасад), **Ирина Николаева** (2-шо номеран Морко йочасад) – марла; **Мадина Филиппова** (7-ше номеран Морко йочасад) – рушла.

8-10 ияш-влак коклаште сеньше-влак:

Даниил Романов (Волжский, Карай), **Екатерина Петрова** (Морко, Волаксола) – марла; **София Романова** (Марий Турек, Сысоево) – рушла.

11-14 ияш-влак коклаште сеньше-влак:

Яна Ямбаршева (Шернур, Койсола) – шке возымо почеламутшо дене; **Арина Фоминцева** (Свердловск кундем) – рушла.

15-18 ияш-влак коклаште сеньше-влак:

Анастасия Иванова (Медведево гимназий) – марла; **Анна Серебрякова** (Курыкмарий район) – шке возымо почеламутшо дене; **Алина Дмитриева** (21-ше номеран школ, Семёновка) – рушла.

Эвелина Антропова, Йошкар-Оласе 2-шо номеран школышто тунемше, 11-14 ияш-влак коклаште марла почеламутым лудмо дене икымше верыш лектын. Чолга, марий шүлышан ўдыр түрлө семын виянеш. «Воштончыш» театрыш кош-теш, «Марий памаш» ансамбльыште кушта.

– *Сылнымут тўнъям йораташ да умылаш авал кумылаҥден. «Ямде лий» газетым изиэм годсек налеш. Кызытат мый ты газет дене кылым кучем. Кажне лаштыкшым шергалам. «Воштончыш» театрыште тўрлө рольым чоҥаш келша. Кушташ да мураш икымше классыште тунеммем годым кумылаҥынам. Тунамак марий муро дене шўманам,*

– оила Эвелина. Ўдыр сценыш лўдде лектеш. Марий улмыж дене кугешна. Тўрлө конкурсышто мастарлыкшым терга. Йоча пагытыште налме усталык ончыкылык илышыште пайдам гына конда.



Фотом еш архив гыч налме.

Е.ИВАНОВА.



#Сўрет_ончер

«Нўнчык патыр» йомак почеш **Екатерина ВЕРЕНИЧЫН** (Медведево, Руэм) сўретше.



пагытышт, сар жапыште орланен илымшыт нерген пален налынам. Вара ковам деч сар нерген йодыштынам. Кугезе кочам Осип Петров кум сарыште лийын улмаш. Кугезе ковам ныл классым веле тунем пытарен. Тудым неле пашашке колтенит.

2-шо номеран Морко школ.

«Шўртнў падыраш» келшен

Морко район Кораксола ял калык Никандр Лекайн дене кугешна. «Калык писатель» лўмым налмыж нерген авам ден ковам каласкаленит. Тылеч вара серызын произведенийже-влакым лудаш тўналынам. Мыланем «Шўртнў падыраш» повесть эн чот келшен. Лудмекем, кугезе коча-кова-влакын йоча

Регина ГРИГОРЬЕВА.



Палаш онгай

Английсе Уэстбери-саб-Мэндип оласе книгагудо тўнжаште эн изилан шот-малтеш. Тўдым телефон будкеш кельштаренит. Книгагудо йўдшў-кечыже пашам ышта. Оласе калык книга фондым шке терга да пойдара.

Анаграмме

А.С.Пушкинын «Дубровский» романыштыже вашлиялтше собственный лўм мут-влакым палыза.

вурсо + киД + б + й = ?

Покро + вес + к + о = ?

Кастене + вик = ?

Тек + ур + орва + о = ?

«Русская словесность» кружокын егже-влак. Волжский, Сотнур.

Шольым дене пырля

Кызыт йоча-влак сълнымутан книгаг кидыш шагал кучат, шонем. Марий да руш литератур уроклаште программе почеш лудаш пуат гын – книгагудыш вашкат. Молан тыге? Нуно компьютер да телефон дене шуко жапым эртарат. Мый Артём шольымым изинек книгаг дене йолташ лияш кумыландем. «Книгаг от луд гын, кугу от лий. Лудат гын, шуко ум пален налат», – чўчкыдын ойлем. Тудлан энциклопедий келша. Артёмлан янлык, машина нерген пален налаш онгай. Лудмекеже, мыланем каласкала.



Настя ИВАНОВА.
Морко, Кугу Шале.

Палаш онгай

- ➔ **Тўнямбалне 68** процент книгаг идырамаш-влак налыт.
- ➔ **95 процент айдеме книгаг эркин лудеш** (ик минутышто – 180-220 мутым).
- ➔ **Лудмо годым шинча тўрлў** могырыш онча.
- ➔ **Марк Твенын «Том Соьер»** романже печатлыме машина дене погымо икымше книгагалан шотлалтеш.
- ➔ **«Китайский энциклопедий»** – эн шуко лаштыкан книгаг.

Пўртўсыштў почеламут шочеш

Мотор, шуэн вашлиялтше лўман марий ўдырын шке возымо почеламутшым сълным лудмыжым Интернет-

тыште ужымат, палыме лийдешым чыте. Тиде Татарстан Республик Агрыз районысо Буймо школын 6-шо «А» классшым тунем пытарыше Виолина Николаева **(снимкыште)**.

– **Тўналтыш классыште тунеммем годым ава нерген икымше почеламутым вознам. Марий йылме да литератур дене туньктышо Эмма Николаевна Ильина мыйым возаш кумыланда. Шочмо кундемсе пўртўс нерген серем. Урелмышке лектам, йырым-йыр шымлен ончем. Моторлыкым ужын моштыман, тунам гына сълне почеламут шочеш,** – оила Виолина.

Марий ўдыр школышто да районышто эртаралтше конкурслашке ушна. Шке возымо почеламутшо-влак дене ятыр гана сенышыш лектын.

Х.АЛЕКСАНДРОВА.

#Лудшо_ен-ончыльєн

#Лўмгече

Лўм: Геннадий Михайлович

Пирогов.


Шочын: 1936 ий 4 июльышто, У Торъял район Тошто Торъял ялеш.

Тунемын: тўналтыш шинчымашым ялысе школышто налын. Н.К.Крупская лўмеш Марий кугыжаныш педагогике институтым 1963 ийыште тунем лектын.

Произведенийже-влак: «Апшаткудышто», «Шонанпыл», «Шошо пеледышын ямже» ойлымаш-влак, «Корнўмбал ломбо», «Кочо мўй» повесть, «Сорла» роман да шуко моло.

Паша: школышто туньктышылан тыршен. Марий телевиденийыште, «Марий коммуна», «Заря» газетлаште, Писатель ушемыште, Марий книгаг издательствыште, Марий туньктыш институтышто пашам ыштен.

Онгай факт: икымше почеламутшо У Торъял районысо «Ударник» газетеш визымше классыште тунеммыж годым савыкталтын.



Писатель, журналист Г.М.Пироговын шочмыжлан – 85 ий.

Нине ужаш-влак Г.Пироговын могай мыскара ойлымашыже гыч улыт?

«Теве тачат, шуматкечын, кочегарын ушыштыже эше ик «идей» шочо: «Нулго укшым тодыш кондаш да... кумло-витле выньыкым пидаш! Ужалаш».	«Парашуткист»
«Теве ер... Торашке кумдан шарлен кия. Шельышталтше ошман сер йымалне изи тул йўла. Тулото воктенак – печке пурьман ий рож».	«Шокшо монча»
«Капше изи гынат, кид-йолжо пекгыде, чылалан мастар. Но утларакишым Васлийым тале колызылан шотлат. Коллан верчын ик гана... ўрат веле».	«Оланге»

Книгагудыш коштса!

Кызытсе саманыште Интернет кажне егын илышыштыже кугу верым айла. Кызыт ўдыр-рвезе-влак электрон книгаг утларак лудыт. Тудо шинчалан энгекым ышта. Мыйын шонымаште, тыглай книгаг шергалат гын, пайдаже шукрыак лиеш. Юнкор-влак, книгагудыш чўчкыдынрак коштса!



Дима ВЕДЕНЬКИН.
Шернур, Чылдемыр.

Вуверкува ден үдыр-влак



Мирон ОХОТНИКОВ.

Медведево посёлкысо Йоча усталык пöрт.

Палаш онай Руш калык йомакысе Баба-яга чылалан палыме. Марий калык йомакыште тудын гай персонажым

Вуверкува манын лүмденыт. Тудо Баба-яга деч ойырте-малтеш: чодыра көргыштö изи пöртыштö ила, пашам ышташ йöрата. Конгамбалне

ок кий, яра жапше годым олымбалне шинча. Баба-яга гай үштервоштыр дене огеш чонештыл. Мурым мурен, имне дене кудалыштеш.



Петр I - 350 ий

Петр I Голландий гыч Россияшке ятыр арверым, кушкылым конден. Иктыже – парентге. Тушто лиймыж годым парентге гыч ямдылыме кочкышым тамлен ончен. Руш кугы-жалан келшен. Россияшке ик мешак пакчасаскам конден. XVII курым мучаш гыч Россияште парентге историй тўналын. Кушкыл сайын шочын, но кресаньык-влак тудым кочкаш да шындаш тореш лийыныт. Амалже: парентгым ямдылен моштен огытыл, кўчымынек кочкыныт да аяргеныт. Сандене Россияште тиде кушкыл 50-60 ийлан мондалтын.

Июль нерген калыкмут


Сўрем тылзыште амбарыште яра, а пасушто шыгыр.

Июль кўдырчан йўрлан поян.

Июль – саска тылзе.

13 июль – Уштодышын (голова-ломкын) тўнямбал кечыже.

Каже радамаште икгай фигур-влакым муза. Мутлан: 3-4.



Палаш онгай

11 июльышто Колызын кечыжым палемдат.

Тўнямбалне 35768 тўрлө кол уло.

Россияште 3000 тўрлө колым вашлияш лиш. Тышеч 280 тўрлө колжо яндар вўдыштө гына ила.

Эн изи коллын кутышыжо – 7,9 миллиметр, эн кугужо – 20 метран.

Газетым Массовый коммуникаций сферыште да культур наследийым аралымаште законодательствым шуктен шогымым эскерыше Федеральный службын Приволжский федеральный округысyo управленийыштыже регистрироватылме.
Номер – ПИ №ФС 18-1999, 2005 ий 10 февральыште пумыо.

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Ямде лий» газет редакций.

Газетым редакцийыште погымо да верстатылме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

0+

Печатыш пумыо жап – 14-00, фактически – 13-00

Авторын да редакцийын шонымашышт тўрлө лийын кертыт. Серыш-влак монтеш огыт колталт. Ак – кутырен келшыме почеш.

Редакцийын да издательын адресше: 424006, Йошкар-Ола, СССР Вооруженный Вийын 70-ше идалыкше урем, 20-шо пöрт. Тел. 8(8362) 45-22-82(факс)

Киярат шочын вет!

Тений, 23 майыште, «Морко мланде» да «Суртпече» газетлаште Лев кочамын «Теплице шотышто вич темлымаш» статьяже савыкталтын. Кө тудын ой-канашыжым шотыш налын гын, теплице көргысö пакчасаска куандарышаш. Ме киярым 10 май гыч кочкына, помидорат чеверга. Авам киярым тельлан шинчалтен ситарен. «Ындыже мом ышташ гын?» – шонкала тудо. «Волькна шуко, ойгырышаш уке», – лыпландара ковам. Шуко уто ок лий, а шагал чоным корштарам.



Фотом еш архив гыч налме.

Даша СОШИНА.

Морко, Купсола.

Школ пакчаште

Школ пакчаштына мемнан Паша уло чылалан. Кодшо годым ал мör шуын, Да шўкшудо сайын кушкын. Вўдымат вет шавыман Тўрлө-тўрлө кушкыллаш. Ме дежурствыш школ пакчаш Коштынна пашам ышташ. Ёдыр-влак шўкшудым кўрыт, Рвезе-влак шават пеш вўдым. Чевер кече шыратен, Шокшыж ден куандарен. **Оля СТЕПАНОВА.** Морко, Шап Унчо.



Кол-влакын лўмыштым палыза.

«Ямде лий» йоча газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат – А-4-8.
https://vk.com/yamde_lii
<https://ok.ru/yamdelfii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdeliiy.pf

Ер воктене весела



Фотом еш архив гыч налме.

Мыйын шонымаште, ке-нежым кеч-кушто пайдалын эртараш лиш: олык ден чодыра моторлыкым эскераш, курык ден корем тайыллаште снегым да кугымöрым погаш. Ача-авалан, кочаковалан сад-пакчаште полшаш мондыман огыл. Игече пеш шокшо шогымылан көра мый яра жапым вүд воктене эртараш тыршем. Ер деке кугыең-влак деч посна ом лишем. Сайынжак ийын ом мошто, садлан сер воктене йүштылам. Ошма

гыч түрлө фигурым ыштем.


Морко, Коркатово.

Полина АЛЕКСЕЕВА.


Мо кушко ваука?



Сүретлен пытарыз.



Вашмутлан келыш-тарен шотлыза.



10 ойыртемын муза.

У мутым тунемына



Кроссворд

Рушла гыч марлашке кусарыз.

Шола гыч пурлашке:

2.Море. 7.Поговорка. 8.Ледник.

Күшычын үлыкө:

1.Ноябрь. 3.Дополнение. 4.Голосовая связка. 5.Спряжение. 6.Фамилия.

Н.ДИЛЬИНА, туныктышо.

Волжский, Карай.

Серыш

«С» буква дене

Саскавий Сотой салтаклан серышым сера: «Салам, Сотой. Сотнур селана сбралештеш. Садерат саламлалтеш. Снегат солыкшым сава. Сүрем, Семыкысе сий Сапаным, Стапаным, Сакарым сымыстарат. Суртоза сылне семым савыркала. Сотнур селасе «сандалык» саештеш. Семын сугыньжо ситыше».

«Русская словесность» кружокын енге-влак.

Волжский, Сотнур.

Йоча-влак, теат возен ончыза.

Үмылка-влакым муза.



Интернетысе сүрет-влакым кучылтмо.